

مرند اۆيكو

## Mərənd öykü



جددینه قوربان اولدوغوم میرگلاب

یازار: سارای محمد رضایی

Web address: [www.marand-oyku.arzublog.com](http://www.marand-oyku.arzublog.com)

Facebook: [www.facebook.com/marandoyku](http://www.facebook.com/marandoyku)

Email: [rezaaydin491@yahoo.com](mailto:rezaaydin491@yahoo.com)

## جددینه قوربان اولدوغوم میر گولاب

سارای محمدرضایی

سحر چاغی خوروز بانلامامیشدان اۇنجه، آنامین اورهیه یاتان گۇزل قیشقیریقلاری ایله یوخودان دیک آتیلدیم. هله یوخومون کال آلمالارین درمه میشدیم، گۇزلیرمی اووا اووا زهر بارداغی اولوب، بال کیمی زهر سوزدوردوم. آنجاق آنامین دویونلو قاشقاباغین گۇردوکده، حالیم یئرینه گلیب عاغلیمی باشیما توپ ائله دیم. یقین یئنه بو آروادی بیرى سانجیب کی ال آیاغینی ایتیریب، حیرصیندن چوغوندور کیمی قیپ- قیرمیزی قیزاریب. باحیلاریمین هامیسی قارشیندا ردیف دوزولندن سونرا آنام دیله گلدی: "هه! یاخشى قولاق آسین قیزلار، گۇرون نه دئییرم؟! اوچ گوندور بیر زاد یامان فیکریمی قاریشدیریب. دیه سن یئنه بیزی گۇزو گۇتورمه ینلر ایشه دوشدولر. حاواسینیز اولسون آماندی! اوچ گوندو سحر چاغی قاپیمیزا دنه دنه دویو سپیلیر. یقین بو ایش نه قوشلارین ایشیدی نه قونشولارین... ائله گۇروم بیس گونه قالسینلار منیم بالالاریمی ایستمه ینلر!"

آنم نمه قدر اونا بونا قارغیش یاغدییراندان سونرا، گۇزلیرین ایشیغی میر گولابا زنگ ائتدی. دئییرلر بو جددینه قوربان اولدوغوم سئیید، بوتون موشکوللره قنیمدیر. نفسی ائله بیل مؤعجوزه دیر. هله آنامین دئییبینه گۇره، اونون الی بوتون خسته لیکلره درماندیر. آغزی نین سویو، سو درمانلاری نین هامیسی نین داها تاثیرلی دیر. هر هانسی خسته نین آغزینا توپورسه، آنی اونون جانیندان خسته لیک گنده جکدیر. توبا! توبا! گوجو سانکی تانری گوجودورو.

بلی... میر گولاب - ائله اونون او اوزون قارا ساققالینا جانیم مالیم قوربان - سانکی بیر حکیم اولراق تشخیص وئردی کی، اوجا بویلو بیر قادین، گۇزلیر افعی ایلان، ایسته بیر یئنه باحیمین باختین باغلا سین. آتاملا آنامین او شیرین حیاتلارینا آجی قاتسین. بلکه ده او بیرسی باحیمین قارنین قورودوب، بیزی بیر سیرا جادولارا سالسین.

آنم دئیمیشکن: «او عجوزه قادینی قارا گل سین! نجه کی آغام میر گولابین مؤعجوزه سی ایله، قاپقارا قارالیب، یانیب کول اولاجاق...!»

شوبه سیز سئییدین سۇزلی موفته سۇز دئییل. بو دنه دنه دویولر بیزی دنه دنه طیلسیمه سالاجاقدیر. او سئییدین جددی وار، ائله بئله موفته سینه دانیشماز کی... بیر کیتابی وار نه قالینلیغا، من اوزوم بو گۇزلیریمله اونون او قالین کیتابین گۇرموشم. او زامانکی عاغلیمی الدن وئریب، اوزومدن سفئه بیر اوغلانا وورولموشدوم، بو میر گولاب ایدی کی دردیمه علاج ائتدی. او

گونلر بيلميرم نيهه ايكي اوج يالان سؤزه اينانيب، - حكيم حؤكوم اونا گنده جهيم - دئديم. آتامين كؤتكلى كار ائلمه ييب، گونو گوندن، اوز آچيب سيرتيليرديم. يازيق آنام - منيم بالام عاغيل درياسى ايدى - دئيب. شوون شوون نئجه آغلایاردى...!

آنچاق سئيد او موقدس كيتابى ايله يئنه داديميزا يئتيشدى. منيم اوزون طالعيمى اوخويوب، چوخلو دوعا يازيب، بوتون طيليسيملى قيريب، يئنى دن او دريايه بنزر عاغليمى منه قايتاردى. آنام ايسه ال آياغينا دوشوركن، باشينا دولانيب ميليون ميليون پول قوربان ائلهدى بو قوربان كسدبييم مير گولابا. اوندان برى بو كيشيه اينانيب، ايمان گتيرديم.

بيز اوشاق اولاندان اينديه قدر، مير گولاب بوتون دويونلريميزى آچيب، يول گؤسترر. او زامانلار كى آناملا آتامين بو شيرين حياتلارى بير آز آجيلانيب بير بيرى نين جانينا دوشوب باش گؤزلىرين ازرديلر؛ آنام تئز بو كيشى نين اوستونه قاچاردى. دوغروسو بو كيشى غريبه بير كيشى ايدى. هلم هلم اله دوشمز.

هله باجيمين باختى نين آچيلماسيندان دئسم لاپ عاغلينيز چاشار. باجيمين اييرمى ياشى اولماميشدان، آنام فيكره دوشدو كى بوتون دويونلرى آچان، جددى نين قاداسين آلدغيينا بير باش چكيب، گنج قيزى نين طالعينه باختيرسين، بلكه طيليسيمدن زاددان اولسا تئز باختيندان سيلديرسين. نيهه كى باجيمين بوتون يولداشلارى باخت ائونه گئديب، آنچاق اونون باختى هله آچيلماميشدى. دئسم ديهه جكسينيز بلكه اؤزومدن قوشوب، سيزلره گولابايرام. آنچاق سيزين او عزيز جانينيزا آند اولسون اؤزوم گوردوم، ائله بو ايكي گؤزلىملى گوروب، بو ايكي قولقلاريملا دا ائشيتديم. باجيما دوعا يازديراندان بير آى سونرا، بختى نين بوتون باغلانميش يوللارى آچيليب، ائولندى.

سونرالار او دوعانى آچيب اوخودوق. اينانمازسيز! آنچاق عجيبه بير شئى گوردوك كاغادين دؤرد بوچاغينا جيزيق چكيب هر كونجونده فارسجا يازميشدى: «بخت باز شود»

آنام دئير: «بو ظاليم اوغلو كيشى نين اللرى عيسى پئيغمبرين اللرينه بنزه بير، آرتيق باشينيزى آغريتماييم. بيز ايندى نئجه گون اولار كى دنه دنه او آغ دويولر ايله دنه دنه دهشتلى طيليسيملره راستلاشميشيق، آنچاق مير گولابين داوا درمان، دوعا او پيتى لرى ايله بوتون بو جادولارا غالب گله جه ييك. ائله! جددنين باشينا دولانديغيم بو سئيد، دوغروسو يامان كيشيدى ها...!